



UKA 2018/8  
15. oktober 2018  
Bentiaraq Ottosen

## **Uunga siunnersuut: 2017-imut Ilassutissatut aningaasaliissutinut Inatsisissatut siunnersuut**

(Aningaasaqarnermut Naalakkersuisoq)

Atassummiit isumaqarpugut 2017-imut ilassutitut aningaasaliissutit tunngaviatigut tapersernartut, allorissaarnitsinnut suleriaqqinnissamik tullermi ilikkagaqarnitsinnut aqqutissiussimmata.

Aningaasanut inatsit 2017-imi ilassutitut aningaasaliissutit inatsisissaattut siunnersuummi aningaasatigut kingunerluutissanik takussutissaqanngilaq, naak aningaasatigut ajornerulersitsisumik tikkuusisoqaraluartoq kisianni aningasaqarnitsinnut kalluaasussaannngitsutut Atassummiit isumaqarpugut.

Inerniliusseq takugaani IST-mut aningaasaqarnikkut amigartoorutaasumik missingersuutaasimasut 98,6 mio. kr aamma IS-mut 49,3 mio. kr amigartooruteqarfiusut ulloq manna tikillugu inuiaqatigiinni kingunerlutsisimannngitsut Atassummit isumaqarpugut, Naalakkersuisullu saqqummiusnaanut tapersiilluta.

Atassut-ip pingaartitarilluinnarpaa, Nunatsinni aningaasarsiornitta qaffassartuarnerasigut politikikkut sinaakkusersuilluta aqqutissiussinissarput, aningaasarsiornarput aallaavigalugu aalisarnermi avammullu tunisassiornermi isaatitsiviulluarnera qujanaqisumik kingumut malugeqqipparput. Atassut-ip oqariartuutigiuarjaa, aalisarnerup saniatigut, nunami suliffissat ataavartut peqatigalugit, aatsitassarsiornarup takornariaqarnerullu qularnanngitsumik siuariartuinnarnissaanut aningaasatigut qaffassaasoqartariaqartoq.

Sulili imaannaannngitsunik inuiaqatigiinni aaqqinniagassaqarpugut. Nunatsinni suliffissaaleqisoqaraluarpoq suliffimmik pisariaqartitsisunik, kisiannili akerlianik avataanik sulisussanik tikisitsisariaqartarnerput piviusuuvoq, aningaasarsiornarpullu unittoortikkumanagu akuersaartariaqarsimavugut, naak tamanna partiit ilaanniik oqarluartaarutigineqartaraluartoq avataaniit tikisitsisariaqarneq piviusuuvoq.

Atassut peqataarusuppoq, sulerusussutsip qaffassarneqarnissaanut aamma utoqqaat ajunngitsorsiassaannik ilanngartuivigineqaratik sulerusuttut sulinnarsinnaanerannik neqeroorfigineqartalernissaat pillugu.

Nunatta namminiilivinnissamat siunnerfeqarnera piviusunngortissagutsigu, aningaasarsiornarput pitsaanerujussuusariaqarpoq, ineriartortitsinermut akissaqarumalluta. Assaat tamaasa



atorfissaqartillugit oqartaraanni pisariaqarluinnalerpoq, politikkip ersarissup inimi maani aamma iliuuseqarfiginissaa.

Taamatut Atassut-miit aallarniuteqalaarluta oqaatigissavarput, Naalackersuisut saqqummiussaat isumaqatigilluinnaratsigu aammalu Inatsisartut aningaasaqarnermut Ataatsimiititaliani kiisalu Inatsisartut Suleriaaseq pillugu Ataatsimiititaliaani 2017-ip ingerlanerani aalajangiiffigereersimasaat ilassutitut aningaasaliissutitut inatsimmi aaqqissuunneqarsimaneri pillugit.

Ilanngussaq 2-imi Atassummiit Naalackersuisut kaammattorpagut siunissaq ungasinnerusoq isigalugu aningaasanik kaaviartitsinerulernissaq anguniarlugu ineriartortitassat suugaluartulluunniit ineriartortitsisariaqartut, suliffeqarfii namminersortuugaluarpata, nutaamik suliffeqarfimmik pilersitsisoqaraluarpat imaluunniit suliffeqarfik Namminersorlutik Oqartussat pigigaluarpassuk ataatsimoorussamik ineriartortittuarnissaat unammilleqatigiinnikkut anguneqarsinnaasoq. Tamanna inuiaqatigiini aningaasatigut kaaviaartitsinerummat aamma siunissamut aningaasaliinerusussammat inatsisitigut sinaakkusersorluakkamik inatsisiliortoqartariaqartoq Atassummiit isumaqarpugut.

Atassummiit naatsorsuutigilluinnarparput inuussutissarsiuteqartuusut siunissami inatsisitigut sinaakkusersorluakkamik illersugaanissaat pioreersoq, alloriarneq inuiaqatigiinni alloriarnerusariaqartoq imminut napatinnerusoq, nammineq pilersornermik kinguneqartoq.

Atassummiit isumaqarpugut aaqqiissutissat assigiinngitsut imaasiillaannaq aaqqinneqarsinnaanngitsut, kisiannili inatsisiliornikkut sinaakktissat oqaluttuarlutik ineriartortitsissapput naak aningaasanik tamarmik malitseqartussaasut, taamaammat aningaasanik aallerfissat ujartortariaqarpagut.

Taamatullu oqaaseqarluta, Atassut-miit inassutigissavarput suliap aappassaaneeraneqannginnermini ataatsimiititaliami susassaqtumi suliap sukumiisumik suliarineqarnissaa.